

資治通鑑考異

一
函
十
函

資治通鑑考異卷第二十九

端明殿學士兼翰林侍讀學士中大夫提舉西京嵩崇福宮上柱國河內郡開國公食邑三千石食實封千戶司馬光奉

勅編集

長沙胡元常彝甫審校

後梁紀

貞明元年二月王殷自焚

莊宗列傳朱

朱原誤宋

友貞傳云乾化四年十一月拔徐州殷自燔

死五代通錄薛史紀及王殷傳皆云貞明元年春今從之

三月趙巖等請分魏博六州爲兩鎮

莊宗列傳宰

宰原誤幸

相敬翔租庸使趙巖判官邵贊等爲友貞畫

策分魏博六州爲兩鎮薛史無敬翔名今從之

己丑魏軍亂

莊宗列傳二十七日劉鄩屯南樂遣龍驤都將王彥章以五百騎入魏州是夜三鼓魏軍亂是月辛酉朔薛史紀云己丑魏博軍作亂蓋莊宗列傳九字誤爲七字耳

四月李保衡殺李彥魯

蜀書劉知俊傳保衡作彥康今從薛史

五月牛存節屯楊劉

牛存節傳楊劉作陽畱或陽劉今從唐裴度傳及薛史諸人傳

六月晉王以李存進爲天雄都巡按使

莊宗實錄云爲軍城使存進傳云都部署莊宗列傳及薛史存進傳皆云天雄軍都巡按使今從之

七月晉王以李巖爲澶州刺史

莊宗實錄作季

胡本季作李

巖今從薛史

周德威擒斥候者斷腕縱之使言已據臨清

薛史德威聞劉鄩東還急趨南宮知鄩軍在宗城遣十餘騎迫

其營擒斥候者數十人皆傳刃於

胡本傳作刺下同於作其

背繫而遣之既

至謂鄩曰周侍中已據宗城矣鄩軍大駭按傳刃於背其人豈能復活而言今從莊宗實錄及薛史莊宗紀又鄩見在宗城而云周侍中據宗城蓋臨清字誤耳

高行周言代州養壯士亦爲大王

周太祖實錄晉王密令人啗之利祿行周辭曰總管用人亦爲國家事總管猶事王也子家昆仲脫難再生承總管之厚恩安忍背之按明宗實錄此年猶爲代州刺史天祐十八年始爲副總管此言總管蓋周太祖實錄之誤

十一月乙丑改元

吳越備史云正月壬辰朔改元大赦今從薛史末帝紀

庚辰劉知俊奔蜀軍

十國紀年知俊奔秦州庚戌來降按上有甲戌下有癸未必庚辰也

二年八月張筠奔相州走晉以李嗣源爲刺史

劉恕廣本云筠奔東都授左衛上將軍莊宗實錄命李存審入

城招撫除昭德軍額仍舊隸魏州徙洺州刺史袁建豐爲相州

刺史按上四月筠已遣人納款于晉此復云走者蓋始者文降

今爲晉兵所迫故走耳筠旣降晉今還猶得將軍者蓋潛通款

於晉梁朝不知耳明宗實錄云八月張筠走移帝爲相州刺史

九月爲安國軍節度

胡本無軍字度下有使字

而莊宗實錄云袁建豐爲相

州刺史按明宗實錄建豐傳云戰胡柳陂時

胡本無時字

建豐猶爲

相州乃是天祐十五年十二月蓋明宗初爲相州移邢州後方
除建豐莊宗錄誤書在張筠走下耳

李存審爲安國節度使

王溥五代會要薛史地理志樂史寰宇記皆云梁建保義軍唐
同光元年改爲安國軍而莊宗明宗實錄列傳薛史存審傳皆
云此年授安國節度使恐是才胡本才作纔屬晉卽改軍額會要等
書誤云同光元年

契丹陷晉蔚州虜振武節度使李嗣本

開元中振武軍在朔州西北三百五十里單于都護府城內隸
朔方節度使乾元元年置振武節度使領鎮北大都護麟勝二
州後唐振武節度胡本度下有使字亦帶安北都護麟勝等州觀察等
使石晉以後皆帶朔州刺史據此乃治蔚蔚原誤尉州不知遷徙年

月

九月貝人殺張源德嬰城固守

莊宗實錄賊將張源德固守貝州既聞河北皆平而有翻然之志詢謀於眾羣賊皆河南人懼其歸罪不從因殺源德噉人爲糧固守其城王歸歷年攻圍賊既食竭呼我大將曰今欲請罪懼晉王不我赦我將衿甲持兵而見已卽解之如何報曰無便於此者賊眾三千衿甲出降我將甘言喻之俱釋兵解甲既而四面陳兵皆殺之歐陽史死事傳曰晉王入魏河北六鎮數十州之地皆歸晉獨貝一州圍之踰年不可下城中食且盡貝人勸源德出降源德不從遂見殺按源德若以不降而死其眾當卽降於晉豈得猶拒守與晉邀約而後出哉明是眾懼死不降耳今從莊宗實錄

胡三省曰余謂若如通鑑去取則張源德非一心守死者不得與於死事傳

十月鄭珏同平章事

薛史梁末帝紀無珏初拜相年月此年十月丁酉以中書侍郎平章事鄭珏兼刑部尚書平章事至貞明四年四月己酉又云以中書侍郎平章事鄭珏兼刑部尚書疑貞明二年拜相四年轉刑部尚書也本傳云累遷禮部侍郎貞明中拜平章事唐餘錄均帝紀貞明二年十月丁酉禮部侍郎鄭珏爲中書侍郎平章事今從之又高若拙後史補云珏應一十九舉方捷姓名爲第十九人第行亦同自登第凡十九年爲宰相今按珏光化三年及第自光化三年至此年纔十七年矣又不可合

十二月慶州叛賀瓌討之

薛史賀瓌傳貞明二年慶州叛爲李繼陟所據帝命左龍虎統軍賀瓌爲西面行營馬步軍都指揮使兼諸軍都虞候與張筠

破涇鳳之眾三萬下靈衍二州此非小事而末帝紀李茂貞傳皆無惟瓌傳有之今以爲據

契丹阿保機稱帝改元神冊

紀年通譜云舊史不記保機建元事今契丹中有厯曰通紀百二十年臣景祐三年冬北使幽薊得其厯因閱年次以乙亥爲首次年始著神策之元其後復有天贊按五代契丹傳自耶律德光乃記天顯之名疑當時未得其傳不然虜人恥保機無號追爲之耳保機虜中又號天皇王虜庭雜記曰

胡本無日字

太祖一

舉併吞奚國仍立奚人依舊爲奚王命契丹監督兵甲又滅勃海虜其王大諲譔立長子爲勃海東丹王號人皇王自號天皇王始立年號曰天贊又曰神冊

胡本無此四字

國號

號作稱

大遼於所居

大部落置樓謂之西樓今謂之上京又於其南木葉山置樓謂

之南樓又於其東千里置樓謂之東樓又於其北三百里置樓

謂之北樓太祖四季常遊獵於四樓之間又曰阿保機

胡本機作基

變家爲國之後始以王族號爲橫帳姓丹

胡本丹作世

里沒里以漢

語譯之謂之耶律氏賜后族姓曰蕭氏王族惟與后族通昏其

諸部若不奉北主之命不得與二部落通昏歐陽史曰阿保機

用其妻述律策使人告諸部大人曰我有鹽池諸部所食然諸

部知食鹽之利而不知鹽有主人可乎當來犒我諸部以爲然

共以酒會鹽池阿保機伏兵其旁酒酣伏發盡殺諸部大人遂

立不復代阿保機稱皇帝前史不見年月莊宗列傳契丹傳在

莊宗卽帝位李存審守范陽後漢高祖實錄唐餘錄皆云阿保

機設策併諸族遂稱帝在乾寧中劉仁恭鎮幽州前薛史在莊

宗天祐末按紀年

胡本年作元

通譜阿保機神策元年歲在丙子乃

莊宗天祐十三年梁貞明二年似不在天祐末及莊宗卽位後編遺錄開平二年五月太祖賜阿保機記事猶呼之爲卿及言臣事我朝望國家降使冊立必未稱帝安得在劉仁恭鎮幽州前唐餘錄全取漢高祖實錄契丹事作傳最爲差錯不知其稱帝實在何年今因其改年號置於此

韓延徽入契丹

漢高祖實錄延徽傳云天祐中連帥劉守光攻中山不利欲結北戎遣延徽將命入虜劉恕以爲劉守光據幽州後未嘗攻定州惟唐光化三年汴將張存敬拔瀛莫攻定州劉仁恭遣守光救定州爲存敬所敗恐是此時仁恭方爲幽帥非守光也按劉仁恭父子强盛之時常陵暴契丹豈肯遣使與之相結乾化元年守光攻易定王處直求救於晉故晉王遣周德威伐之其遣

延徽結契丹蓋在此時然事無顯據故但云衰困附於此

四年六月蜀主殂

北夢瑣言云余聞公

胡本公作宗

弼親吏曹

曹作王

處琪言建疑信王

暴卒唐文展與徐妃張裕

胡本裕作格

陰謀使尙食進雞燒餅因寘

毒建疾困大臣魏弘夫等請誅文展建曰太子好酒色若不克負荷幸無般之徐氏兄弟勿與兵權言訖長吁而逝劉恕接舊史貶文展後二十七日蜀主始殂疑曹處琪之妄孫光憲從而記之

吳朱瑾般徐知訓知誥卽日引兵濟江

吳錄九國志徐鉉江南錄知訓死知誥過江皆無日江南錄曰先主聞亂卽日以州兵度江至廣陵會瑾自般因撫定其眾十國紀年吳史六月乙卯瑾般知訓踰城自殺戊午知誥入揚州

代知訓執政己未誅瑾黨與廣本戊午知誥親吏馬仁裕聞知
訓死自蒜山渡白知誥知誥卽日帥兵入揚州撫定吏民按楊
潤相去至近知誥豈得四日然後聞之今從江南錄胡三省曰按徐知誥
勉就潤州以俟變
本宋齊丘之策也

七月戊戌吳以徐知誥爲淮南節度行軍副使內外馬步都軍副
使通判府事

按十國紀年六月乙卯知訓被殺至此四十四日吳之政事必
有所出蓋知誥至廣陵卽代知訓執吳政至此方除官耳

八月張萬進叛

莊宗實錄天祐十五年八月己酉張萬進歸款薛史末帝紀貞
明五年三月癸未削奪張守進官爵命劉鄩爲制置使十月下
兗州族守進萬進傳云貞明無年七月叛五年冬拔其城劉鄩

傳云

胡本無云字

五年萬進反冬拔其城莊宗實錄萬進傳云劉鄩

攻圍歷年屠其城莊宗列傳云天祐十五年八月萬進歸於我均王無實錄紀傳多不同難以爲據今以莊宗實錄列傳爲定

五年七月高麗僧躬又稱王

薛史唐餘錄歐陽史皆云唐末其國自立王前王姓高氏後王王建此據十國紀年

十二月晉王乘勝拔濮陽

莊宗實錄天祐十五年賀瓌屯於濮州北行臺里十二月辛酉

上次于臨濮賊亦捨營踵我癸酉

胡本酉作亥

次于胡柳明旦接戰

王彥章敗走濮陽甲子進攻濮陽一鼓而拔按唐地理志濮州

亦謂之濮陽郡治鄆城有濮陽臨濮二縣據莊宗實錄則行臺

里在臨濮東胡

胡本胡作湖

柳在濮陽東彥章所保莊宗所拔者皆

濮陽縣非濮州也而莊宗列傳及

胡本無及字

薛史閻寶傳皆云彥

章騎軍已入濮州山下惟列步兵向晚皆有歸心是以濮陽卽

爲濮州也李嗣昭傳嗣昭云賊無營壘去臨濮地遠日已晡晚

皆有歸心但以精騎撓之無令夕食晡後追擊破之必矣我若

收軍拔寨賊入臨濮俟彼

被原誤被

整齊復來則勝負未決是以

濮陽卽爲臨濮也按薛史梁紀貞明五年四月制書放濮州稅

課是濮州猶屬梁也莊宗實錄天祐十六年十二月攻下濮陽

下教告諭曹濮百姓勸令歸附是濮州未屬晉也又賀瓌屯土

胡本土作于

山西晉軍在其東彥章已西入濮陽瓌豈得更東歸臨

濮疑

疑原誤款

寶傳濮州嗣昭傳臨濮皆當爲濮陽史氏文飾之誤

也又莊宗實錄去年十二月晉已拔濮陽至此又云攻下濮陽

按薛史梁紀去年十二月晉人攻濮陽陷之今年十二月又云

晉人陷濮陽唐紀去冬拔濮陽今年四月追襲賀瓌至濮陽十

二月無攻下濮陽事賀瓌傳

傳原誤事

貞明四年領大軍營於行臺

村十二月戰敗四月退軍行臺尋卒若非實錄及梁紀重複則

是去冬唐雖得濮陽奔而不守今年冬

胡本無冬字

復攻拔之也

六年四月李琪罷爲太子少保

薛史止有琪作相月日無罷相年月故終言之

朱友謙取同州晉王以朱令德爲節度使

莊宗列傳上令幕客王正言送節旄賜之莊宗實錄列傳薛史

友謙傳皆云友謙以令德爲帥請節鉞不許薛史末帝紀貞明

六年云陷同州以令德爲畱後表求節旄不允而貞明四年六

月甲辰以歙州刺史朱令德爲忠武畱後恐是四年已陷同州

五月徐溫言使楊氏無男有女亦當立

吳錄九國志有女當立之語在誅張顥時今從薛史十國紀年

王疾病大丞相溫來朝議立嗣君門下侍郎嚴可求言王諸子

皆不才引蜀先主顧命諸葛亮事溫以告知諸知諸曰可求多

知言未必誠不過順

胡本順作曠

大人意爾溫曰吾若自取非止今

日張顥之亂嗣王幼弱政在吾手取之易於反掌然思太祖大

漸欲傳位劉威吾獨力爭太祖垂泣以後事託我安可忘也乃

與內樞密使王令謀定策稱隆演命迎丹陽公溥監國已丑隆

演卒六月戊申溥卽王位恐可求亦不應有此言今從薛史

龍德元年正月張承業諫晉王稱帝遂得疾不復起

莊宗實錄上初獲玉璽諸將勸上復唐正朔承業自太原急趣

謁上曰殿下父子血戰三十餘年蓋緣報國復仇爲唐宗社今

元凶未殄軍賦不充河朔數州弊於供億遽先大號費養兵之